



ATAATSIMEERSUAARNERMI IMAQARNILIAQ

Arctic Fish Greenland A/S, CVR-NR. 12926057, Nuussuarmi apriliip 16-ani 2026-mi nalunaaqutaq 15.00 ileqqusumik ataatsimeersuarpoq Kullorsuarmi piginneqataasunut Teams-i aamma Royal Greenland A/S-ip Nuummi allaffianut atassuserneqarsimalluni, ullormut oqaluuserisassat ukuupput:

1. Ataatsimiinnermi aqutsisunik toqqaaneq.
2. Siulersuisut ukiumi naatsorsuiffiusumi qaangiuttumi ingerlatseqatigiiffiup suliai pillugit nalunaarutaat.
3. Ukiumut 2025-mut nalunaarusiap akuerineqarnera.
4. Ukiumoortumik nalunaarusiaq akuerineqareersoq naapertorlugu sinneqartoorutit amigartoorutilluunniit matussuserneqarnissaat.
5. Siulersuisunut ilaasortanik qinersineq taakkualu akissarsiasaat aalajangersarneqarnerat.
6. Kukkunersuiisimik toqqaaneq.
7. Siulersuisunit aamma/imaluunniit piginneqataasunit siunnersuutigineqarsinnaasut.

Ataatsimiinnermi peqataasut:

- Piginnittoq Royal Greenland A/S siulersuisunut ilaasortamit Andor Thomsenimit sinniisoqarluni,
- Kullorsuarmi piginnittut, ilaatigut siulersuisunut ilaasortaq Timotheus Petersen
- Nuussuarmi piginnittut, ilaatigut pisortaq siulersuisunilu ilaasortaq Frederik Olsen

Ataatsimiinnermi peqataangitsut:

- Siulersuisuni siulittaasoq Niels Ole Møller
- Siulersuisuni ilaasortaq Meinhard Jacobsen

Taava oqaluuserisassat ataasiakkaarlugit kingorna sammineqarput.

Immikkoortoq 1

Andor Thomsen tamanik aquerineqarluni ataatsimiinnermi aqutsisutut toqqaarneqarpoq.

Ataatsimeersuarneq ingerlatseqatigiiffiup malittarisassai naapertorlugit qaaqqusissutaasoq, qaaqqusissut ilanngutassiallu sapaatit-akunneri marluk sinnerlugit ingerlatseqatigiiffiup nittartagaani www.arcticfishgreenland.com-imi saqqummiunneqarsimasut aamma piginneqataasunut ataasiakkaanut elektroniskikkut aggersaaneq nassiunneqarsimasut nalunaarutigai.

Tamatuma kingorna kapitalimik piginnittut tapersersuinerat tunngavigalugu ataatsimeersuarneq inatsisinut naapertuuttumik aalajangiisinnaassuseqartutullu nalunaarutigineqarpoq.

Ataatsimeersuarnermi aqutsisup oqaatigaa ataatsimeersuarneq kalaallisut qallunaatullu ingerlanneqartoq.

Immikoortoq 2

Niels Ole Møller najuutinnagu siulersuisunut ilaasortaq Andor Thomsen ima nalunaaruteqarpoq, ukiumoortumik nalunaarusiaq naapertorlugu:

" Ukioq manna akileraarutit sulii ilanngaatinagit akileraaruseraalugillu sinneqartoorutit kr. (4.546)-t.kr-iupput. Tamannalu siulersuisuniik naammanganngitsut nalilerneqarpoq.

Angusat silap pissusianit sunnerneqarnerpaasimapput, siku pissutigalugu ingerlatseqatigiiffiup pilersuisuisa aalisarnissaat ajornakusoormat, aamma aalisagartoqarfinni arferit pinngortitamiittut pissutigalugit. Tamakku tamarmik ingerlatseqatigiiffiup kaaviiartitaasa appariartupiloornerannik kinguneqarput, aningaasartuutillu annikillisinneqaraluartut isertitat appariarnerat pinngitsoortinneqarsinnaasimannngilaq.

Ukiup naatsorsuiffiusup naanerata kingorna susoqarpa?

Naatsorsuutit nalilerneqarnerata ulluaniit ullumimut ukiumoortumik naatsorsuutitut sunniuteqarsinnaasumik pisoqarsimannngilaq

Aningaasat annaaneqartut

Ingerlatseqatigiiffik piginneqataassutimi affaat sinnerlugit annaavai taamaattumillu ingerlatseqatigiiffiit pillugit inatsimmi § 119-ip atuunneranut ilaalluni. Siulersuisut ingerlatseqatigiiffiup aningaasaateqarnerulernissaa aalluppaat, tamannalu anguniarlugu suliniuteqartoqareerpoq suliniutissallu allat nalilersorneqarlutik.

Siulersuisut naatsorsuutigaat silaannaq pinngortitarlu atugassarititaasut taamaassappata ingerlatseqatigiiffiup isertitai malunnaatilimmik qaffassasut.

Royal Greenland A/S-ip ingerlatseqatigiiffik tapersersorlugu nalunaaruteqarpoq, tassanilu erseqqissarneqarpoq Royal Greenland A/S-ip aningaasanik piginnittutut taarsigassarsisitsitullu ingerlatseqatigiiffiup aningaasaqarnikkut pisussaaffiminik naammassinnissinnaanissaanut tapersersuinissaa pisariaqartoq. Pisariaqarpat, tamanna ilaatigut isumaqarpoq aningaasanik amerlanerusunik ingerlatseqatigiiffimmut tunniussineq taarsigassarsisitsisoqarluni, akiliisnaatitsisoqarluni, qularnaveeqqusiinikkut assigisaanilluunniit. "

Frederik Olsenip ilanngullugu oqaatigaa Uummannap eqqaani aasaanerani aalisartut aalisakkanik pilersuilluarnerusinnaajumallutik umiatsiat marluk pisariaqartinneqartut. Aammalu eqalugaasaaqqanik neqitassatut atorineqartussanik aalisarnissaq pisariaqasutut eqqartorneqarpoq. Aalisartut neqitaat pitsaavallaanngitsut ingerlatseqatigiiffimmut apuunneqartarmata aalisarnermut pitsaavallaanngittumik sunniuteqarput. Pissutsit taakku siulersuisoqatigiinni eqqartorneqarnerussapput.

Frederik Olsenip oqaatigaa 2026-mi aallartinneq ajoraluartumik 2025-mit ajornerusoq. Siulersuisoqatigiit pissutsit malinnaavigissavaat pitsaanerusumillu angusaqarnissaq anguniarlugu pitsanngorsaaniarlutik iliuuseqarniarlutik

Ataatsimeersuuartunit nalunaarusiaq oqaaseqaatillu akuerineqarlutik ingerlateqqitassatut allanneqarput.

Immikkoortoq 3

2025-mut ukiumoortumik nalunaarusiaq siulersuisunit saqqummiunneqarpoq.

Kaaviiartitat 31.488.000 koruuniupput, ukiup siuliani 45.149.000 koruuniusimapput.

Akilerartorneq sioqqullugu sinneqartoorutit koruuninngorlugit 4.546.000-upput, ukiup siuliani koruuninngorlugit 10.406.000-ullutik, akileraarutillu ilanngaatigereerlugit angusat aamma taamaapput, tassa 4.546.000 koruunit 2024-mi 11.248.000 koruuniusunut naleqqiullugit. Ukiup naanerani nammineq aningaasaatit 17.468.000 koruuniupput ukiup siuliani 12.922.000 koruuniusimasut.

Aammattaaq siulersuisut nalunaarusiaat innersuussutigineqarpoq.

Ukiumoortumik nalunaarusiaq kukkunersiuisut oqaaseqarfiginngilaat, ingerlatseqatigiiffiullu siulersuisuisa pisortaasalu isumaqatigiillutik ukiumoortumik nalunaarusiaq ataatsimeersuarnermi akuersissutigineqarnissaat innersuussutigaa.

Aamma eqqaaneqarpoq ukiumoortumik nalunaarusiaq sulii ingerlatseqatigiiffiup nittartagaani takuneqarsinnaasoq.

Siunnersuut ukiumoortumik 2025-mi nalunaarusiamut tamaniit akuerineqarpoq.

Immikkoortoq 4

Ataatsimeersuarnermi aqutsisup ukiumoortumik nalunaarusiap qupperneq 10-miittup imarisai innersuussutigai, tassanilu siunnersuutigineqarpoq angusat qanoq atorineqarsinnaanerit (TDKK):

Angusat nuunneqarnikut	(4.546)
Iluanaarutit	0
Ukiumoortumik angusat	(4.546)

Ingerlatseqatigiiffiup iluanaarutinit agguasinnaanera naatsumik eqqartorneqarpoq, aamma nammineq aningaasaatit amigartoorutaanerit pissutigalugit maannakkut utertitsisoqarsinnaannginneq aamma nalunaarutigineqarpoq.

Taava ataatsimiinnermi aqutsisup kingorna nalunaarutigaa siunnersuut tamanik akuerineqarmat.

Immikkoortoq 5

Siulersuisunut ilaasortat Niels Ole Møller, siulersuisuni siulittaasussoq, Frederik Olsen, Timotheus Petersen, aammalu Andor Thomsen qinigaqqinnissaannut siunnersuuteqartoqarnera ataatsimiinnermi aqutsisuusup eqqaavaa. Siulersuisunut ilaasortaq Meinhard Jacobsen-i nalunaarutqarpoq Royal Greenland A/S-imi siulersuisuni ilaasortaajunnaarluni, Royal Greenland A/S-imi atorfimmini tunuarniuteqarnerminut atatillugu. Tom Kaster-ilu qinerneqarnissaa siulersuisunut

ilaasortatut siunnersuutigineqarmat. Tom Kaster-ip Meinhard Jacobsen-i Royal Greenland A/S-imi taarsissavaa.

Siulersuisunut ilaasortassatut siunnersuutigineqartut allat nittartakkami www.virk.dk-mi takuneqarsinnaapput.

Siunnersuut isumaqatigiilluni akuerineqarpoq, siulersuisullu ima isikkoqalerput:

Niels Ole Møller
Frederik Olsen
Timotheus Petersen
Tom Kaster
Andor Thomsen.

Siunnersuutigineqarpoq siulittaasoq ukiumut 50.000 koruuninik siulersuisunilu ilaasortat allat 25.000 koruuninik akissarsiaqassasut. Siunnersuut isumaqatigiilluni akuerineqarpoq.

Immikkoortoq 6

EY Godkendt Revisionspartnerselskab, CVR-NR. 30700228 kukkunersiuisussatut taaneqaqqippaq

Immikkoortoq 7

Ataatsimiinnermi aqutsisup oqaatigaa piffissaq killilik qaangiummat allakkatigut siunnersuuteqartoqarsimanngitsoq.

Timotheus Petersenip eqqaavaa nunaqarfinni taakkunani marlunni qamuteralannut motoorinullu taarsiussanik pilersuisoqartariaqartoq, tamannami aalisarsinnaanerup pitsaanerulernissaanut iluaqutaassaaq.

Meinhard Jacobsen siulersuisuni sulisimanera pillugu qujaffigineqarpoq.
Tamanna pillugu oqaaseqartoqanngilaq.

Allamik oqaluuserisassaqaanngimmat ataatsimeersuarneq naggaserneqarpoq.

Ataatsimiinnermi aqutsisut:



Andor Thomsen